



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Praxis Cvræ Pastoralis Præcipve Circa Repentina &
Generaliora**

Possevino, Giovanni Battista Bernardino

Coloniæ Agrippinæ, 1645

Capvt IV. Quarum se rerum pœnitens accusare debeat.

urn:nbn:de:hbz:466:1-42220

C A P V T IV.

*Quarum se rerum pœnitens accusare
debeat.*

INtolerabilis certè abusus est, peccatores nullum omnino peccatum in confessione perse declarare, nisi in quantum à Confessarijs interrogantur. Docendi ergo sunt, ut se ipsi primò accusent in ijs in quibus poterunt, ac deinde per interrogationes & sciscitationes adiuandi vltierius erunt.

Non satis est, pœnitentem peccati sui genus tantum aperire, dicendo, verbi gratia, quod homicidium, luxuriæ peccatum aut furum commiserit; sed necesse præterea, vt illius speciem explicet, exempli causa; an patrem, aut matrem interficerit, & hoc dicitur parricidium, an in templo aliquem necarit, hoc namque sacrilegium est, an Ecclesiasticum aliquem de medio sustulerit, hoc namque parricidium spirituale est, & quisquis hoc commisit, ipso facto est excommunicatus. Idem & in peccato fornicationis locum habet: si enim virginem quis deflorarit, stuprum est; si coniugaram aliquam cognouerit, adulterium est; & ita de reliquis peccatis.

Nec solum ipsa peccati species inquirenda, verum etiam quoties peccatum ipsum commisum sit, vt nimirum pœnitens se accuset, dicendo quoties tale aut tale peccatum admiserit, aut quoties plus minus, quam poterit proximè, prout illius recordabitur, aut saltem dicendo, quamdiu in peccatis suis hæserit & perseverauerit,

uerit, & quām valdē ei deditus & additus sit. Etenim multum interest inter eum qui nonnisi semel blasphemare solet. Examinandus præterea pœnitens est circa varios peccati alicuius gradus: exempli gratia, magna certè differētia est inter irasci & calumnias proferre, pugnos infringere, baculo ferire, aut gladio, quæ varij peccati iracundiæ sunt gradus. Magnum quoque discrimen est inter carnalem intuitum & in honestum contactum, & copulam carnalem, quamquam necesse non sit, eum qui aliquod opus malum absolutum confessus est, confiteri & alia, quæ ad prius illud faciendum necessaria requiruntur, & prævia sunt. vnde qui sese accusauit, quod puellam semel violauit, non tenetur aperire facta & actus, quos interea dum alterum illud opus fieret, aut disponeretur, intermisсuit: satis ea quippe intelliguntur & præsupponuntur, etiamsi non exprimantur, & illarum rerum accusatio in actionis finalis & ultimata peccati confessione continetur.

Idem dico de peccatis, quorum malitia in una & eadem actione duplicari & multiplicari potest, v. g. qui aureum furatur, peccatum unum facit, qui duos, etiam nonnisi vnum facit, & quidem eiusdem speciei: tamen secundi huius peccati malitia duplex est, respectu prioris. Pari modo fieri potest, ut prauo quod datur exemplo unus duntaxat scandalizetur, & alio malo exemplo eiusdē speciei triginta aut quadraginta scandalizentur, cūm tamen nulla sit inter utrumque peccatum proportio. Quapropter, quām fieri proximè potest, facti quantitas parti-

particulariter est exprimenda, item quām multi vna sola actione scandalizati sint, & ita consequenter de alijs peccatis, quorum malitia crescit aut minuitur pro obiecti aut materiae quantitate.

Quin etiam profundius penetrandum, & pœnitens examinandus circa desideria & voluntates purè interiores, qualia, v. g. forent desiderium & voluntas vindictæ alicuius libidinis, & similiū operum committendorum, etenim mali hi affectus peccatum sunt.

Etiam longius progrediendum, & excutendæ inquirendæque ipsæ malæ cogitationes, esto nulla desideria nec voluntas peccandi post eas secuta sint. Exemplicausa, qui intra semet ipsum de aduersarij & inimici sui morte, ruina & infortunio cogitare gaudet, & inde voluptatem aliquam haurit, esto huiusmodi ei de facto contingere nolit, si tamen voluntariè & datâ operâ aliquam ex huiusmodi imaginationibus & cogitationibus delectationem & voluptatem capiat contra charitatem delinquit, & illius se rei debet accusare. Idem iudicium est de eo qui voluntariè, vtque aliquo modo sese recreet, in cogitationibus & imaginationibus circa voluptates carnales diutius sese derinet, ijsque oblectatur: internè namque contra castitatem peccat, cuius peccati se reum fateri debet, & ipsum confiteri nam esto corpus peccato applicare nouerit, cor tamen & animam ei applicuit; porro peccatum magis in cordis applicatione, quām corporis consistit, ac nullo modo licitum est studio sese in peccato oblectare,

etare, tam per actiones corporis, quam cordis. Dixi studio & datâ operâ, eò quod malæ cogitationes, quæ nobis induit, illubentibus, & non totaliter aduententibus & reflectentibus adueniunt, nequaquam sunt peccatum, aut saltem non sunt mortale.

Denique requiritur quoque, ut pœnitens alienorum se peccatorum accuset, idq; ad exemplum Dauidis: si enim malo suo exemplo, aut aliter, quem piam ad peccandū pelleterit, culpa reus est, & hoc ipsum propriè appellatur scandalum, attamen econtra pœnitens inhibendus & impediendus est, ne suos in peccato complices, socios & cooperatores nominet aut detegat, quantum quidem fieri potest.

C A P V T V.

*Confessarius sollicitè aduertat, ne quem absoluat
qui gratia Dei sit incapax.*

Videat deinde Confessarius, num pœnitens absolutionis accipiendæ sit capax; nam hæc certis quibusdam hominibus impertienda non est, quorum hic aliquot vobis genera recensebo, è quibus reliqua, quæ eiusdem notæ sunt, facili negotio colligetis. Tales sunt:

Primò, qui excommunicatione maiore & reseruata innodati sunt: quos sine auctoritate superioris Confessario illicitum est absoluere; nisi forte illa huic reseruata non esset.

Secundò, qui aliquid habent peccatum Pontifici aut Episcopo reseruatum, sine illorum negeunt auctoritate absoluī: remittendi ergo sunt ad eos, qui absoluendi potestatem habent, aut